

ՄԻՋԵԿԵՂԵՅԱԿԱՆ



«ԵԿԵՂԵՅԻՆ ԵՎ ԵՐԻՏԱՍԱՐԴՈՒԹՅՈՒՆԸ ԱՐԵՎԵԼՅԱՆ ԵՎՐՈՊԱՅԻ ԵՎ ՆԱԽԿԻՆ ԽՈՐՀՐԴԱՅԻՆ ՄԻՈՒԹՅԱՆ ԵՐԿՐՆԵՐՈՒՄ» ԽՈՐՀՐԴԱԺՈՂՈՎԸ ԾԱՂԿԱԶՈՐՈՒՄ

(11-13 նոյեմբերի 2002 թ.)

Մայր Աթոռ Ս. Էջմիածնի Միջնեկեղեցական հարաբերությունների բաժնի և Եկեղեցիների Համաշխարհային Խորհրդի Հայաստանյան Կլոր Սեղանի նախաձեռնությամբ սույն թվականի նոյեմբերի 11-13-ը Ծաղկաձորում փեղի ունեցավ երիտասարդական մի խորհրդրդաժողով, որի թեման էր «Եկեղեցին և երիտասարդությունը Արևելյան Եվրոպայի և նախկին Խորհրդային Միության երկրներում»:

Խորհրդաժողովի նպատակն էր համախմբել երիտասարդներ Հայ Առաքելական, Հայ Կաթողիկե, Հայ Ավետարանական Եկեղեցիներից, ինչպես նաև այլ երկրներից՝ քննարկելու այն հիմնախնդիրները, որոնց դիմագրավում են երիտասարդները հետխորհրդային նոր իրականության մեջ, և փոխըմբռնման ու համագործակցության միջոցով լուծումներ գտնելու:

Ժողովը, Հայաստանում լինելով առաջինը իր տեսակի մեջ, ուներ նաև մեկ այլ նպատակ, այն է՝ Արևելյան Եվրոպայի և նախկին Խորհրդային Միության երկրներից եկած և փոքրեր հարանվանությունների պատկանող երիտասարդներին տեղեկացնել Էկումենիկ շարժման և այս ուղղության վերջին զարգացումների, հարկապես «Քարտա Էկումենիկա» փաստաթղթի մասին՝ համատեղ քննարկումների միջոցով, որը մասնակիցներին տալիս էր միմյանց առավել լավ ճանաչելու և միմյանցից սովորելու հնարավորություն:

Արևելյան Եվրոպայի երկրների փորձառությանը հաղորդակից լինելու համար ներկայացուցիչներ էին հրավիրվել Վրաստանից, Ռուսաստանից, Լատվիայից, Չեխիայից և Բուլղարիայից: Ներկա էին նաև Սառա Նումիկոն՝ Շվեյցարիայից, և Թիմո Անթիլան՝ Ֆինլանդիայից: Ժողովին հրավիրված էին 57 մասնակիցներ Արևելյան Եվրոպայի և նախկին Խորհրդային Միության հետևյալ Եկեղեցիներից և եկեղեցական կազմակերպություններից. Հայ Առաքելական Եկեղեցի, Հայ Կաթողիկե Եկեղեցի, Հայ Ավետարանական Եկեղեցի, Երևանի պետական համալսարանի Աստվածաբանության ֆակուլտետ, Կաթոլիկ Օգնության Ծառայություն, Եվրոպայի Եպիսկոպոսների Կոնֆերանսների Խորհուրդ, Երիտասարդ Մարդկանց Քրիստոնեական Անոցիացիա, Չեխիայի և Սլովակիայի Ուղղափառ Եկեղեցի, Բուլղարիայի Արևելաձեն Կաթոլիկ Եկեղեցի, Ռուս Ուղղափառ Եկեղեցի, Լատվիայի Ավե-

պարանական-Լյութերական Եկեղեցու Երիտասարդության բաժին և Սինդեսմոս (Ուղղափառ Երիտասարդների Համաշխարհային Ընկերություն):

Բացման խոսքում Մայր Աթոռ Ս. Էջմիածնի Միջեկեղեցական հարաբերությունների բաժնի պարասխանաբու Գերաշնորհ Տ. Եզնիկ եպս. Պետրոսյանը կարևորեց ժողովի նշանակությունը՝ բացադրելով, որ դրա նպատակն է հնարավորություն տալ Հայ Առաքելական Եկեղեցու բոլոր թեմերի, ինչպես նաև Հայ Կաթողիկե և Հայ Ավետարանական Եկեղեցիների երիտասարդներին մտքեր փոխանակել միմյանց հետ և սովորել երիտասարդներին Եկեղեցու կյանքում ներգրավելու արվեստների փորձառությունից: Վերապավելի Ռենն Լևոնյանը՝ Ամերիկայի Հայ Ավետարանական Ընկերակցության Հայաստանյան ներկայացուցիչը, կարևորեց նման հավաքույթների կազմակերպումը:

Եկեղեցիների Համաշխարհային Խորհրդի Հայաստանյան Կոորդինատոր Պետրոս Կարեն Նազարյանն իր ողջույնի խոսքում ցանկություն արտահայտեց հաճախակի կազմակերպել նման հավաքներ, որպեսզի հնարավոր լինի երիտասարդության ուժերը կենտրոնացնել հասարակական ոլորտի աշխատանքներում:

Երեք օր շարունակ ընթերցվեցին փառքեր գեկուցումներ հեպկյալ թեմաներով: Էկումենիզմը Եվրոպայում, Եկեղեցին և երիտասարդությունը նախկին Խորհրդային Միության երկրներում, երիտասարդության մասնակցությունը Հայաստանի Եկեղեցիների փառքեր ծրագրերում և գործունեության մեջ:

Հանգամանակից ներկայացվեց «Քարտա Էկումենիկա»-ն, որը համագործակցության ուղեցույց է Եվրոպայի Եկեղեցիների համար: Այն ընդունվել է 2001 թ. ապրիլին, Ստրասբուրգում, Եվրոպայի Եպիսկոպոսների Կոնֆերանսների Խորհրդի (ԵԵԿԽ) և Եվրոպայի Եկեղեցիների Կոնֆերանսի (ԵԵԿ) կողմից:

Չնայած որոշ Եկեղեցիներ, այդ թվում նաև Հայ Առաքելական Սուրբ Եկեղեցին, վերապահումներ ունեն այդ փաստաթղթի որոշ հարվածների վերաբերյալ, և թեև որոշ երկրներ և Եկեղեցիներ քաջաձանդոջ չեն այդ փաստաթղթին, այն համարվում է հնարավոր միջոց Եկեղեցիների միջև հեպագա համագործակցության և երկխոսության համար:

Ջեկույցներից հետո առաջադրվում էին թեմաներ՝ խմբային քննարկումների համար:

Երեկոյան ջերմ և մաքրմիկ մթնոլորտում քննարկվեցին էին ունենում ոչ պաշտոնական ծանոթություններ, երգեցողություն, երեկոյաներ և միասնական աղոթք:

Մասնակիցների հավաստամբ այսպիսի ժողովների առավել հաճախակի կազմակերպումը հնարավորություն կտա լավ ճանաչել Եկեղեցիներն ու նրանց ավանդույթները՝ անկեղծ երկխոսության և գործնական հարցերում սերտ համագործակցության միջոցով: